

## ԱՆԴԵՄ ՆԱԽԱԴԱՍՈՒԹՅՈՒՆՆԵՐԻ ԱՌԱՆՁՆԱԿԱՏԿՈՒԹՅՈՒՆՆԵՐԻ ՀԱՐՑԻ ՇՈՒՐՋ

### Հ. Ա. ՀԱՐՈՒԹՅՈՒՆՅԱՆ

Նախադասությունները որպես հաղորդակցման միավորներ ունեն ձևավորման, կառուցված-  
քային-հնչերանգային մի շարք առանձնահատկություններ, որոնց հիման վրա էլ լեզուները տար-  
բերակում են նախադասությունների բազմաթիվ տեսակների: Ձանագան նպատակներով կատարված  
յուրաքանչյուր տարբերակման, բաժանման հիմքում ընկնում է մեկ սկզբունք: Մի դեպքում կա-  
րող է լինել այն հիմունքը, թե նախադասությունը, որպես հաղորդակցման ինքնուրույն միավոր,  
ինքնուրույն գործածություն չունեցող, բայց միտք արտահայտող քանի միավորներից է կազմված:  
Այդ սկզբունքով տարբերակված նախադասությունները լինում են պարզ և բարդ: Մեկ այլ դեպ-  
քում տարբերակման սկզբունք կարող է դառնալ այն հսկայականքը, թե նախադասության մեջ կա-  
նալ որքան երկրորդական անդամներ, եթե կան, ապա նման նախադասությունները կոչվում են ըն-  
դարձակ, ի հակադրություն համառոտի: Նախադասությունները լինում են պատմողական, հրա-  
մայական, հարցական և բացականչական: Այս բաժանման հիմքում էլ ընկած է այն սկզբունքը,  
թե նախադասությունը ինչ նպատակով է արտասանվում, ինչ հնչերանգ ունի: Հստ նախադասու-  
թյան գլխավոր անդամների առկայության՝ տարբերակում ենք նաև միակաղմ և երկկաղմ նախա-  
դասություններ:

Նախադասությունների բաժանման, առանձնացման հիմքում կարող է ընկած լինել նաև այն  
հիմունքը, թե նրանցով արտահայտված իրողությունը վերաբերվում է որևէ դեմքի<sup>1</sup>, թե՝ ընդհա-  
նուրին՝ առանց կոնկրետ դեմքի նշելու: Որևէ դեմքի վերաբերվելը, ինչպես գիտենք, քերականորեն  
արտահայտվում է բայի դիմավոր ձևերով կամ օժանդակ բայով: Եթե նախադասությունը ունի  
դիմավոր բայով կամ օժանդակ բայով ու որևէ այլ խոսքի մասով արտահայտված ստորոգյալ,  
կոչվում է դիմավոր: Բայց կան նաև այնպիսի նախադասություններ, որոնք չունեն դիմավոր բա-  
յով կամ օժանդակ բայով ու որևէ այլ խոսքի մասով արտահայտված ստորոգյալ: Նման նախա-  
դասությունները կոչվում են անդեմ, քանի որ նրանք ցույց են տալիս ընդհանուրին՝ վերաբերող  
դործողություններ, արտահայտված անորոշ դերբայով, կամ նշում են առարկաներ, հաստատում  
ներանց գոյությունը առանց օժանդակ բայի: Այդ տեսակի նախադասությունները լայն գործածու-  
թյուն են ստացել հատկապես վերջին շրջանում: Անցյալում անդեմ նախադասությունները ունեցել  
են սահմանափակ կիրառություն: Մասամբ այս երևույթն է պատճառը, որ հայ քերականները, այդ  
թվում և պրոֆ. Մ. Արեղյանը, անուշադրության են մատնել այդ նախադասությունները և առան-  
ձին տեսակ չեն համարել դրանք:

Բայց անդեմ նախադասությունները հաղորդակցական ինքնուրույն միավորներ չհամարելու  
հիմնական պատճառն այն է եղել, որ բայականությունը դիտվել է նախադասության հիմք, առանց  
դիմավոր բայով արտահայտված ստորոգյալի նախադասություն չի ճանաչվել<sup>2</sup>: Պրոֆ. Արեղյանը  
պրում է. «խոսքի էությունն է ստորոգումը: Առանց ստորոգման խոսք չկա: Ստորոգումն արտա-  
հայտվում է միայն մի առանձին խմբի կամ տեսակի բառերով, որոնք կոչվում են բայ», «Առանց  
բայի խոսք չկա...»<sup>3</sup>: Նույն կարծիքին է նաև մեկ ուրիշ ականավոր հայ լեզվաբան՝ պրոֆ. Հ.  
Աճառյանը. «Նախադասության մեջ ամենահիմնական բառը դիմավոր բայն է, առանց որի նա-  
խադասություն չի լինի»<sup>4</sup>, — գրում է նա:

1 խոսքն այն մասին չէ, որ իրադրությունից կարող ենք եզրակացնել, թե անորոշ դերբայով  
արտահայտված գործողությունը ում է վերաբերում: Խոսքը քերականական ձևավորվածության մա-  
սին է:

2 Այդ կարծիքին է այժմ լեհ լեզվաբան Յ. Կուրիլովիչը: S b' u K y p u л o v u ч, Очерки по  
лингвистике, сборник статей, М., 1962, էջ 55—56:

3 Մ. Արեղյան, Հայոց լեզվի տեսություն, Երևան, 1965, էջ 361—362:

4 Հ. Աճառյան, Գրարարի ուսուցիչ, Երևան, 1954, էջ 5:

Նախադասության ամենաէական հատկանիշը համարելով դիմավոր բալով արտահայտված ստորոգյալի գոյությունը, և՛ Արեղյանը և՛ Աճառյանը, պարզ է, չպետք է ընդունենին անդեմ նախադասությունները որպես նախադասության առանձին տեսակ:

XIX դարի վերջին և XX դարի սկզբի որոշ հայ քերականներ գործածել են «անդեմ» տերմինը, «ակայն ոչ այժմյան իմաստով: Անդեմ նախադասություն ասելով նրանք ի նկատի են ունեցել անենթակա նախադասությունները<sup>5</sup>։ Հայ քերականագիտությունը անդեմ նախադասությունների ուսումնասիրության հարցերով սկսել է զբաղվել հատկապես վերջին տարիներս Պրոֆ. Գ. Սևակի «Հայոց լեզվի շարահյուսություն» (Երևան, 1936 թ.) դասագրքից հետո, ուր առաջին անգամ հայերենում առանձնացվեցին այդ նախադասությունները, անդեմ նախադասությունների հետ կապված շատ հարցեր քննարկել և ուսումնասիրել են զոց. Ս. Արրահամյանը՝ «Ժամանակակից հայերենի շարահյուսության մի քանի հարցեր» գրքում և դոկտոր Վ. Առաքելյանը՝ «Հայերենի շարահյուսություն» գրքի երկրորդ հատորում:

Ավանդական հայ քերականության մեջ նախադասություն ընդհանրապես համարվել է ստորոգյում ունեցող բառակապակցությունը: Ստորոգումը, ինչպես գիտենք, հատկանիշի վերագրումն է ենթակային այն կաղապարի նախադասություններում, ինչպես «Ծառը կանաչեց» և «Ծառը կանաչ է»: Ստորոգումը քերականական-շարահյուսական այնպիսի կատեգորիա է, որը կապվում է քերականորեն արտահայտված ստորոգյալի հետ: Ստորոգյալը, հայտնի է, արտահայտվում է բայի խոնարհված ձևերով կամ օժանդակ ու վերացական բայերով և այլ խոսքի մասով: Իսկ քանի որ անդեմ նախադասությունները չունեն ստորոգյալ, հետևարար չեն կարող ունենալ ստորոգում և, պարզ է, որպես նախադասության առանձին տեսակ ճանաչվելու և ուսումնասիրության ոլորտից դուրս պետք է մնային: Այնինչ ստորոգում չունենալը անդեմ նախադասությունների հիմնական և ամենարևոտ առանձնահատկությունն է: Ահա ինչ է գրում պրոֆ. Գ. Սևակը. «Ջեղչված ստորոգյալով նախադասություններից տարբերվում են այն նախադասությունները, որոնք ստորոգում ընդհանրապես չունեն...»<sup>6</sup> (ընդգծումը մերն է — Ն. Ն.):

Վերցնենք հետևյալ անդեմ նախադասությունները. «(Ստաբ մայրեր, օտաբ մաբղիկ, օտաբ լեզու, հայերեն չեն խոսում, հայ երգ չի լսվում: Մաղկավաճառներ ու ծաղիկներ, բայց ոչ մի կուժ-կոտրուկ, ետսնածաղիկ, երիցուկ, տուղտ: Աստվածամոր տանաբ, փվերին բանդագուլսկ, փաբ փմերներ և աղորելու շտապող մաբղիկ» (Ռ. Արամյան, Զթամբած ձիեր): Ընդգծված նախադասությունները, որոնք հաղորդակցական ինքնուրույն միավորներ են և արտահայտում են հարաբերականորեն ավարտուն միտք, չունեն ստորոգում, ուղղականաձև դրված գոյականներին որևէ հատկանիշ չի վերագրվում: Իսկ ինչի՞ շնորհիվ են այդ բառակապակցությունները դառնում նախադասություններ: Ահա մի հարց, որը լուսարանման կարիք է գգում:

Այդ և նման բոլոր նախադասությունները չունեն ստորոգում, բայց ունեն ստորոգելիություն (предикативность): Ստորոգումը և ստորոգելիությունը տարբեր երևույթներ են, տարբեր կատեգորիաներ: Ստորոգումը շարահյուսական միջոց է, հանդիսանում է ստորոգյալի հատկությունը և գոյություն ունի միայն այն նախադասություններում, ուր կա ստորոգյալ: Իսկ ստորոգելիությունը քերականական-տրամաբանական երևույթ է, որը հաղորդված մտքին տալիս է հարաբերականորեն ավարտուն լինելու հատկություն և չի կապվում քերականական ստորոգյալի հետ: Այն կապված չէ առհասարակ նախադասության որևէ անդամի հետ: «...Ստորոգելիությունը կարող է արտահայտված լինել առանց ստորոգյալի, ստորոգելիություն կա նախադասությունների բոլոր տեսակներում, նույնիսկ այսպես կոչված բառ-նախադասություններում»<sup>7</sup>: «Նախադասությունը ձևավորող ստորոգելիության դերն ու նշանակությունը կայանում է նրանում, որ նախադասության բովանդակությունը վերագրում է իրականությանը»<sup>8</sup>:

Ստորոգելիության և ստորոգման հարցերն ավելի հանգամանորեն քննարկում է Վ. Պանֆիլովը: Նա գրում է. «...Եթե ստորոգելիությունը այն է, որ յուրաքանչյուր նախադասություն դարձնում է նախադասություն և առանց որի չի արտահայտվի ավարտուն միտք, ապա ստորոգումը

<sup>5</sup> Մ Ե Ղ Ի Բ ա ն զ յ ա ն, Աշխարհարարի քերականութիւն, Շուշի, 1893: Ս տ. Պ ա լ ա ս ա ն յ ա ն, Կործնական քերականութիւն հայերեն լեզվի, Խիֆլիս, 1869 և այլն:

<sup>6</sup> Դ. Ս և ա կ, Հայոց լեզվի շարահյուսություն, դասագիրք, Երևան, 1936 և հետագա հրատարակություններ:

<sup>7</sup> Современный русский язык, ч. II, М., 1964, էջ 257:

<sup>8</sup> «Грамматика русского языка», т. II, ч. I, Изд. АН СССР, М., 1960, էջ 80:



րնութադրում է միայն նախադասությունների այն տեսակները, որտեղ ստորոգյալը առանձնանում է որպես շարահյուսական անդամ, բայց հատուկ չէ այն նախադասությանը, ուր չկա ստորոգյալ<sup>9</sup>։

Ուրեմն, անդեմ նախադասությունները մտքի արտահայտման ինքնուրույն միավորներ են ոչ թե այն բանի շնորհիվ, որ ունեն ստորոգում, այլ որ նրանք ունեն ստորոգելիություն, որի շնորհիվ նախադասության բովանդակությունը վերադրվում, հարաբերում է իրականությանը՝ Վ. Պանֆիլովը ստորոգումը իրավացիորեն համարում է ստորոգելիության դրսևորման ձևերից մեկը։ Ստորոգումը և ստորոգելիությունը կարող են համընկնել (բայց ոչ նույնանալ) միայն այն դեպքերում, երբ համընկնում են տրամաբանական սուբյեկտը և պրեդիկատը քերականական ենթակայի և ստորոգյալի հետ։ Ինչպես գիտենք, այդ համընկնումը շատ դեպքերում, այդ թվում և անդեմ նախադասությունների ժամանակ, չկա<sup>10</sup>։ Իսկ եթե ստորոգելիությունը չի համընկնում ստորոգման հետ, այսինքն ստորոգումը ստորոգելիության դրսևորման ձև չէ, ապա ինչպե՞ս է արտահայտվում, ի՞նչ միջոցով (եղվարանական գրականության մեջ որպես այդպիսի միջոցներ նշվում են նշեբանգը (ինտոնացիան) և բառերի դասավորության կարգը<sup>11</sup>)։ Քանի որ երկրորդ միջոցը այնքան էլ բնորոշ չէ հայերենին, ապա ցույց տանք միայն առաջին միջոցի՝ նշեբանգի դերը։

Նշեբանգի քերականական դերը համեմատաբար լավ է ուսումնասիրված ռուսական քերականագիտության մեջ, իսկ հայ քերականները անուշադրության են մատնել այն։ Առաջին անգամ պոցենտ Ս. Արրահամյանն է անդրադարձել նշեբանգին, որը «...բառերի կապակցությանը կամ յառին տալիս է ամփոփ, ավարտուն լինելու հատկանիշ»<sup>12</sup>, հետևաբար և բառը կամ բառակապակցությունը դարձնում է նախադասություն։ Նշեբանգը նախադասության ձևավորման կարևորագույն միջոցն է ընդհանրապես։ Դիմավոր նախադասություններին նա տալիս է միայն ավարտուն լինելու հատկանիշ, իսկ նախադասությունը հիմնականում ձևավորվում է ստորոգման շնորհիվ։ Իսկ քանի որ անդեմ նախադասությունները չունեն քերականորեն ձևավորված ստորոգում, նշեբանգի դերը մեծ է նրանց ձևավորման գործում։ Հիշենք ականավոր լեզվաբան Ա. Մ. Պեշկովսկու այն դիտողությունը, թե «...ինչքան պարզ է արտահայտված որևէ շարահյուսական նշանակություն մաքուր քերականական միջոցներով, այնքան թույլ կարող է լինել նրա նշեբանգային արտահայտությունը (ընդհուպ նրա լրիվ անհետացումը) և, ընդհակառակը, ինչքան ուժեղ է նշեբանգային արտահայտությունը, այնքան թույլ կարող է լինել քերականականը (նույնպես ընդհուպ լրիվ բացակայությունը)»<sup>13</sup>, Իհարկե, մենք այն կարծիքին չենք, թե նշեբանգը քերականական միջոց չէ, բայց մեր կարծիքով Ա. Մ. Պեշկովսկին բերականական ասելով ի նկատի ունի միայն քերականորեն ձևավորված ստորոգյալը։

Ստորոգելիության արտահայտման միջոցը անդեմ նախադասություններում յուրահատուկ նշեբանգն է, որը կատարում է նույն դերը, ինչ դիմավոր նախադասություններում ստորոգումը։

«Ուղղահայաց վայրէջք և վերելք, քավալզուր անկում և հանկարձ հորիզոնական բռնիք» (Բ. Հովսեփյան, Սերմնացանները չվերադարձան), «Խինչ Ե՛րբ հանգուժեմ այս աններելի բերուրդունները, մինչ Ե՛րբ չօղտաղորձեմ հսկայական հնաբավորություններն ու ռեզերվները» (Ս. Հայաստան, 1964, № 285)։

Բերված օրինակները, ինչպես տեսնում ենք, չունեն ստորոգյալ, հետևաբար չունեն և ստորոգում։ Բայց նրանք միտք արտահայտող հաղորդակցական ինքնուրույն միավորներ են, նախադասություններ՝ ստորոգելիության շնորհիվ, որը ձևավորվում է յուրահատուկ նշեբանգով։ Ուրեմն, անդեմ նախադասությունների մյուս առանձնահատկությունն այն է, որ դիմավոր նախադասությունների ստորոգելիության արտահայտման միջոցի՝ ստորոգման փոխարեն ունեն յուրահատուկ նշեբանգ։

Նախադասության կարևոր հատկանիշներից է եղանակայնությունը, խոսողի վերաբերմունքը հաղորդվող իրականության նկատմամբ, որը սովորաբար արտահայտվում է բայի եղանակային ձևերով, ինչպես նաև եղանակավորող բառերով։ Բայց քանի որ անդեմ նախադասությունները չունեն դիմավոր բայեր, հաճախ չեն ունենում նաև եղանակավորող բառեր, ապա պետք է ունե-

<sup>9</sup> В. З. Панфилов, Грамматика и логика, М.—Л., 1963, էջ 45։

<sup>10</sup> Մեր նպատակից դուրս է այս հոդվածում քննարկել նախադասության ու դատողության փոխհարաբերության հարցը։ Նշենք, որ ընդունվում է նաև միանգամ դատողության գոյությունը։

<sup>11</sup> Г. В. Колшанский, Логика и структура языка, М., 1965, էջ 150։

<sup>12</sup> Ս. Գ. Արրահամյան, Ժամանակակից հայերենի շարահյուսության մի քանի հարցեր, Երևան, 1962, էջ 26։

<sup>13</sup> А. М. Пешковский, Интонация и грамматика, «Известия русского языка и словесности АН СССР, Л., 1928, էջ 470։

14 Հանդես, № 4



նան եղանակայնության արտահայտման հատուկ միջոց: Այդ դերը նույնպես կատարում է հնչե-  
րանգը:

Անդեմ նախադասությունների եղանակայնությունը գերազանցապես արտահայտվում է հնչե-  
րանգի միջոցով:

Անհրաժեշտ ենք համարում նշել, որ անդեմ նախադասություններում ենթակայի և ստորոգյալի  
գոյության մասին միասնական կարծիք չկա: Այսպես, ակադ. Շախմատովը անվանական անդեմ  
նախադասության առանցքային բառը համարում է և՛ ենթակա, և՛ ստորոգյալ, առանձնացնելով  
ենթակայով անստորոգյալ և ստորոգյալով անենթակա նախադասություններ, որոնք ձևով նույնա-  
նում են, բայց հնչերանգով, կոնտեքստային միջավայրով տարբերվում: Ենթակա նախադասությու-  
նը արտահայտվում է ձայնի բարձրացումով, ստորոգյալ նախադասությունը՝ իջեցումով<sup>14</sup>, Հ.  
Պաուլը ավելի հեռուն է գնում. իրադրությունը նա համարում է անդեմ նախադասության գլխավոր  
անգամ: «Մարդկային խոսքում, — գրում է նա, — կան այնպիսի գատողություններ, որոնցում ինչ-  
պես խոսողի, այնպես էլ լսողի համար արտահայտությունը հանդիսանում է սուբյեկտ, իսկ գրու-  
թյունը, իրադրությունը՝ պրեդիկատ»<sup>15</sup>: Իրադրությունը կարող է որոշակի նշանակություն ունե-  
նալ հաղորդվածը ավելի հասկանալի դառնալու գործում, սակայն նա քերականական միջոց չէ և.  
հետևաբար, քերականության մեջ չպետք է տեղ գտնի:

Հայ քերականներից դոկտոր Վ. Առաքելյանը անորոշ դերբայը համարում է բայական անդեմ  
նախադասությունների ստորոգյալ<sup>16</sup>: Սակայն դերբայը, առավել ևս անորոշ դերբայը, առանց օ-  
ւանդակ բայի ստորոգյալ լինել չի կարող: «Ստորոգման համար կարևոր են բայի մասնավորապես  
եղանակային ձևերին հատուկ քերականական կատեգորիաները՝ եղանակ, դեմք, ժամանակ, թիվ:  
Եվ ստորոգումը որպես շարահյուսական կատեգորիա ձևավորվում է բայի ձևաբանական այս կա-  
տեգորիաների հիմքի վրա»<sup>17</sup>:

Ուրեմն, անդեմ նախադասությունները, որոնք չունեն ստորոգում, չեն կարող ունենալ ստո-  
րոգյալ: Իրականում ենթական և ստորոգյալը որպես նախադասության երկու բևեռներ կազմում են  
հակադրամիասնություն<sup>18</sup>: «Սուբյեկտը և պրեդիկատը որպես անդամներ կարող են լինել միասին  
կամ չլինել, բայց մեկի գոյությունը առանձին անհնար է»<sup>19</sup>: Միանգամայն ճիշտ են այս դիտո-  
ւթյունները: Ուրեմն անդեմ նախադասությունների, որպես մտքի արտահայտման, հաղորդակ-  
ցման միջոցի կարևոր առանձնահատկություններից մեկն էլ այն է, որ նրանք քերականորեն ար-  
տահայտված ենթակա և ստորոգյալ չունեն, և չպետք է նրա կառուցվածքային հատկանիշները  
խեղճենք դիմավոր նախադասությունների կաղապարներից:

Այսպիսով, անդեմ նախադասությունները ունեն ձևավորման և կառուցվածքային մի շարք  
առանձնահատկություններ, որոնցով տարբերվում են դիմավոր նախադասություններից:

Առաջին. չունեն քերականորեն արտահայտված ստորոգում և մտքի արտահայտման ու հա-  
ղորդակցական միավորներ են դառնում ստորոգելիության շնորհիվ: Ստորոգելիությունը հաղորդ-  
ված իրողության հարաբերությունն է իրականության նկատմամբ:

Երկրորդ. անդեմ նախադասությունները ունեն յուրահատուկ հնչերանգ, որի դերը մեծ է նախ՝  
նա ստորոգելիության արտահայտման միջոց է: Ապա՝ արտահայտում է եղանակայնություն և եր-  
րորդ՝ մտքին տալիս է հարաբերականորեն ավարտուն լինելու հատկանիշ: Յուրահատուկ հնչերան-  
գի շնորհիվ է միայն ստորոգում ունեցող բառը կամ բառակապակցությունը դառնում հաղոր-  
դակցման միավոր:

Երրորդ. անդեմ նախադասությունները ունեն կառուցվածքային այն առանձնահատկությու-  
նները, որ չունեն ենթակա և ստորոգյալ. ունեն գոյականով կամ այլ խոսքի մասով արտահայտված  
առանգլային բառ, որին որևէ հատկանիշ չի վերագրվում և անորոշ դերբայով արտահայտված  
առանգլային բառ, որը քերականորեն չի վերագրվում որևէ դեմքի, առարկայի: Անդեմ նախադա-

<sup>14</sup> Л. А. Шахматов, Синтаксис русского языка, Л., 1941, էջ 52:

<sup>15</sup> С. А. Галкина-Федорук, Безличные предложения в современном рус-  
ском языке, М., 1958, էջ 47:

<sup>16</sup> Վ. Առաքելյան, Հայերենի շարահյուսություն, հատ. II, Երևան, 1964, էջ 58:

<sup>17</sup> Ս. Արրահամյան, նշվ. աշխ., էջ 20:

<sup>18</sup> Գ. Սևակ, Շարահյուսության մի քանի հարցեր մարքս-լենինյան իմացաբանության  
լույսի տակ, Հեզվի ինստիտուտի աշխատությունների ժողովածու, հատոր 4, 1949, էջ 14: Է. Լե-  
զայան, Հեզվարանության ներածություն, Երևան, 1963, էջ 422:

<sup>19</sup> Г. Колпанский, Логика и структура языка, էջ 170:



ությունների ճանաչման, դիմավոր նախագասություններից նրանց տարբերակման հիմքում պետք է լինեն այս առանձնահատկությունները:

Ասացինք, որ անդամ նախագասությունները ունենում են մեկ առանցքային բառ, որը լինում է ուղղականաձև դոյական, անորոշ դերբայ, երբեմն էլ այլ խոսքի մաս: Հստ առանցքային բառի, անդամ նախագասությունները բաժանվում են երկու խմբի՝ անվանական և բայական: Իսկ ի՞նչ լրացումներ կարող են ունենալ առանցքային բառերը: Առաջին հայացքից հարցը պարզ է թվում: Եթե այն դոյական է, պետք է ունենա դոյականին հատուկ լրացումներ՝ որոշիչ, հատկացուցիչ, բացահայտիչ, եթե բայ է, ապա պետք է ունենա բային հատուկ լրացումներ՝ խնդիրներ, պարագաներ: Բայց իրականում այսպես չէ: Անվանական անդամ նախագասություններում, ուր չկա որևէ բայ, լինում են նաև բային հատուկ լրացումներ, հատկապես տեղի, ժամանակի պարագաներ և երբեմն էլ անուղղակի խնդիրներ: Ինչս֊վ բացատրել այս երևույթը: Դոկտոր Վ. Առաքելյանը նման նախագասությունները, որոնք «հաղորդում են որևէ առարկայի գոյության, լինելության, գտնվելու, ժամանելու մասին», անվանական չի համարում ստորոգյալին (բային) բնորոշ լրացումներ ունենալու պատճառով, այլ անվանում է ինքնուրույն թերի նախագասություններ<sup>20</sup>: Հետաքրքրական է այն, որ այդ նախագասությունները չեն ունենում, ասենք, պատճառի կամ ձևի պարագաներ, այլ սովորաբար տեղի և ժամանակի պարագաներ: Այս հանդամանքը կարելի է բացատրել նրանով, որ առհասարակ առարկաներն ու երևույթները գոյություն ունեն միայն որևէ տեղում և որևէ ժամանակի մեջ: Տեղը և ժամանակը մատերիայի գոյության օբյեկտիվորեն ունալ ձևերն են, և տեղ ու ժամանակ ցույց տվող բառերի գոյությունը չի ենթադրում բայ-ստորոգյալի գոյություն և՛ «շեղով» ուսումնասիրության, քրտնաչան ու համառ աշխատանքի երկար տարիներ» (սՍ. Արվեստ, 1961, № 9), «Օվ ահա, առաջին քայլը բաց տիեզերում» (սՍ. Արվեստ, 1963, № 4), «Լուրից ավտոմեքենայի շլակի ձայնը» (սՍ. Գրականություն, 1964, № 12, էջ 15) ու նման այլ նախագասություններ անվանական անդամ նախագասություններ են, թեև ունեն ժամանակի և տեղի պարագաներ:

Անվանական անդամ նախագասություններ պետք է նաև բառեր, անձձք, բարեմադթությունների և նման այլ արտահայտությունները, ինչպես նաև վաճառվող ապրանքների անունները, որոնք մտքի արտահայտման և հաղորդակցման միավոր են վաճառողի և գնողի համար: Այսպես՝ «նաղաղություն ձեզ, մեր անրախտ պապեր», «Անձք նրա շար գործին» (Թուհանյան), «Ողջույն արխագալ Ալուն, հաղթանակ գործին Իլլիչին» (Չարենց) և նման նախագասությունները անվանական անդամ են, չնայած որ ենթադրվում է ստորոգյալի գոյություն, ասենք՝ «լինի»: Հնարավոր է, որ նման արտահայտությունները նախկինում ունեցել են այժմ ենթադրվող ստորոգյալը և եղել են դիմավոր նախագասություններ: Երա ապացույցը՝ ստորոգյալի լրացում ձեզ, գործին, Ալուն՝ բառերի առկայությունն է: Բայց փաստն այն է, որ նրանք այժմ գործածվում են և իրենց արտահայտչական ու հաղորդակցական ֆունկցիաները կատարում են այդ տեսքով, չեղվում գոյություն ունեն այդ տեսքով, հետևաբար այդպես էլ պետք է ուսումնասիրվեն: Ուրեմն ողջույնի, անձձքի, բարեմադթությունների, հրաժեշտի և նման արտահայտությունները անդամ նախագասություններ են:

Անդամ նախագասություններ են նաև փողոցներում և շուկաներում հաճախակի լսվող վաճառվող ապրանքների անվանումները՝ «Կաթ, լավ կաթ», «Հման կարտոֆիլ», «Մածուն, ոչխարի անարատ մածուն», «Քաղցր խաղող» և այլն, որովհետև նրանք նույնպես այդ ձևով են կատարում իրենց ֆունկցիան: Կարող ենք դրանց մեջ ավելացնել ստորոգյալը՝ Կարող ենք, բայց նախագասության կառուցվածքը, ուրեմն և տեսակը, անմիջապես կփոխվի: Այդ ստորոգյալը կարող է լինել և՛ կա, և՛ ղնեցեմ, և՛ վաճառում եմ բառերը, այսինքն այդ առանցքային բառը կարող է լինել և՛ ենթակա, և՛ խնդիր: Հենց այդ անորոշությունն էլ մեզ հուշում է, որ չպետք է փորձել ստորոգյալ ավելացնել: Օ. Ոսպերսենը նշում է, որ բառը կարող է ենթարկվել արտակարգ համառոտման, երբ նա հեշտությամբ հասկացվում է իրադրության հետ կապված<sup>21</sup>: Նույնը կարող ենք ասել նման անդամ նախագասությունների առաջացման մասին: Նախագասություններն էլ կարող են ենթարկվել համառոտման, եթե նրանք այդ ձևով էլ ծառայեն հաղորդակցմանը: Հենց լեզվական այս երևույթն է պատճառը, որ երբեմնի դիմավոր նախագասությունները դարձել են անդամ նախագասությունների համառոտում կատարվում է նաև երկախոսության ժամանակ: Հարցում հիշատակված առանձին բառեր, նախագասության անդամներ պատասխանում չեն կրկնվում: Պատասխան նախագասությունները սովորաբար թերի են լինում ավելորդ կրկնություններից խու-

20 Վ. Առաքելյան, Հայերենի շարահյուսություն, հատոր II, էջ 68:

21 Տհ'ս Գ. Ջահուկյան, Հեղվաբանության պատմություն, հատ. II, Երևան, 1962, էջ 41:

սափելու համար և առանձին չեն կարող գործածվել այն հնչերանգով, որով արտասանվում են երկախոսության ժամանակ: Իսկ անդամ նախադասությունները այդպես չեն, նրանք ունեն ինքնուրույն գործածություն, ավարտուն հնչերանգ:

Ինչպես նշեցինք սկզբում, անդամ նախադասությունները բավականին մանրամասնորեն հետազոտված են ուսա քերականագիտության մեջ: Այդ հարցերով զբաղվել են այնպիսի ականաչոր լեզվաբաններ. ինչպիսիք են Ա. Մ. Պեշկովսկին, Ա. Ա. Շախմատովը, Վ. Վ. Վինոգրադովը, Ե. Մ. Կալկինա-Ֆեդորովը, Ռուդներ և ուրիշներ:

Օգտագործելով ուսական քերականագիտության նվաճումները այդ հարցում, չենք կարող լարհեստականորեն ամեն ինչ տարածել հայոց լեզվի վրա: Հայոց լեզուն ունի իր առանձնահատկությունները. նախադասության կառուցվածքի յուրահատուկ ձևերն ու այդ կառուցվածքն ստեղծող ուրույն միջոցները: Թեև ժամանակակից հայերենում անդամ նախադասությունները բավական զործածական են, բայց ունեն կիրառության այնպիսի ոլորտներ, ուր ավելի շատ, ավելի հաճախակի են գործածվում: Անդամ նախադասությունները ավելի շատ գործածական են նկարագրական բնույթի ստեղծագործություններում, դրամատիկական երկերում, ակնարկներում, հոգեբանական վերլուծություններում, ժողովների ու համագումարների որոշումներում, ժողովրդախոսակցական լեզվում: Նրանք ավելի սակավ են հանդիպում գիտական գրականության մեջ, քաղաքական հոդվածներում: Կիրառությունները պայմանավորվում են նրանց ունեցած ոճական առանձնահատկություններով, որոնք նույնպես ուսումնասիրության կարիք են զգում: